

**Farg'ona viloyati pedagoglarni yangi metodikalarga o'rgatish milliy markazi
o'qituvchisi Z.A.Teshaboyevning "O'quvchilarni kasb-hunarga yo'naltirish"
nomli o'quv qo'llanmasiga**

TAQRIZ

Mamlakatimizda ta'lim-tarbiya tizimi va ilm-fan sohalarini takomillashtirish, jamiyatimizda o'qituvchi va pedagog xodimlar, ilmiy va ijodkor ziyolilarga bo'lgan hurmat-e'tiborni yanada oshirish, o'quvchilarning kasbiy mahoratini rivojlantirish maqsadida O'zbekiston Respublikasi Prezidentining 2020-yil 6-noyabrdagi "O'zbekistonning yangi taraqqiyot davrida ta'lim-tarbiya va ilm-fan sohalarini rivojlantirish chora-tadbirlari to'g'risida"gi PF-6108-son Farmoni qabul qilindi. Ushbu Farmonga ko'ra Ta'lim sifatini nazorat qilish davlat inspeksiyasi, Maktabgacha ta'lim, Xalq ta'limi hamda Oliy va o'rta maxsus ta'limi vazirliklari hamkorligida Uzluksiz ta'limning Milliy o'quv dasturlari ishlab chiqildi. Shuningdek, mazkur Farmonga asosan "mamlakat taraqqiyoti uchun yangi tashabbus va g'oyalar bilan maydonga chiqib, ularni amalga oshirishga qodir bo'lgan, intellektual va ma'naviy salohiyati yuksak yangi avlod kadrlarini tayyorlash, ta'lim tashkilotlari bitiruvchilari zamonaviy kasb egalari bo'lishlari uchun ularda zarur ko'nikma va bilimlarni shakllantirish, dunyo miqyosidagi bugungi keskin raqobatga bardosh bera oladigan milliy ta'lim tizimini yo'lga qo'yish, darslik va o'quv qo'llanmalarini zamon talablari asosida takomillashtirish, ularning yangi avlodini yaratish, o'quv dasturlari va standartlarini optimallashtirish" vazifalari belgilandi.

Farg'ona viloyati pedagoglarni yangi metodikalarga o'rgatish milliy markazi o'qituvchisi Z.A.Teshaboyev tomonidan tayyorlangan "O'quvchilarni kasb-hunarga yo'naltirish" nomli o'quv qo'llanma aynan shu vazifalar ijrosini ta'minlash maqsadida yaratilgan. Mazkur o'quv qo'llanma O'zbekiston Respublikasi Xalq ta'limi vazirligining 2020-yil 17-avgustdagi 188-son buyrug'i bilan tasdiqlangan texnologiya fanini o'qitish huquqini berish bo'yicha kasbiy qayta tayyorlash kursining "Kasb-hunarga yo'naltirish" fani o'quv dasturi va texnologiya fani bo'yicha O'zbekiston Respublikasi uzluksiz ta'lim Milliy o'quv dasturlari asosida tayyorlangan bo'lib, u umumiy o'rta ta'lim maktablarining texnologiya fani o'qituvchilari, kasb-hunarga yo'naltiruvchi mutaxassislari va texnologiya fanini o'qitish huquqini berish bo'yicha kasbiy qayta tayyorlash kursi tinglovchilari uchun mo'ljallangan.

Ushbu o'quv qo'llanmada umumiy o'rta ta'lim maktablari texnologiya fani o'qituvchilari va o'quvchilari, texnologiya fanini o'qitish huquqini berish bo'yicha kasbiy qayta tayyorlash kursi tinglovchilari uchun o'quvchilarni kasb-hunarga yo'naltirish asoslari, o'quvchilarni kasb-hunarga yo'naltirish tizimi, kasblar klassifikatsiyasi haqida batafsil ma'lumotlar berilgan bo'lib, o'quvchilarni kasb-hunarga yo'naltirish jarayoni va uni tashkil

etish, kasbga yo'naltirish ishlarini amalga oshirish yo'llari, kasb tanlashni rejalashtirish va unga rahbarlik qilish masalalari batafsil yoritilgan.

Shuningdek, o'quv qo'llanma bilan tanishish orqali o'qituvchi va tinglovchilar ta'lim-tarbiya jarayonida o'quvchilarni kasb-hunarga yo'naltirishning zamonaviy usullari, o'quvchilarni kasb-hunarga yo'naltirish ishlarini tashkil etish va kasbga tayyorlash metodikasi, o'quvchilarning qiziqishlar, moyilliklarini o'rganish va tahlil qilish yo'llari hamda ularni amalda qo'llashga doir kasbiy kompetentlikka ega bo'ladilar.

Ushbu o'quv qo'llanma o'quvchilarni kasb-hunarga yo'naltirishda umumiy o'rta ta'lim maktablari texnologiya fani o'qituvchilari va texnologiya fanini o'qitish huquqini berish bo'yicha kasbiy qayta tayyorlash kursi tinglovchilari, shuningdek, professor-o'qituvchilar, ta'lim texnologiyalari va o'qitish metodikasi bo'yicha shug'ullanayotgan tadqiqotchilar, qolaversa keng kitobxonlar ommasi uchun zarur o'quv adabiyoti va muhim ilmiy-uslubiy manba bo'lib xizmat qiladi.

Yuqoridagi ijobiy jihatlarni inobatga olib, muallif Z.A.Teshaboyev tomonidan tayyorlangan "O'quvchilarni kasb-hunarga yo'naltirish" nomli o'quv qo'llanmani nashrga tavsiya etaman.

Farg'ona davlat universiteti

"Texnologik ta'lim" kafedrasi mudiri, professor

 **S.M.Otajonov**

